

JAVNA USTANOVA
OSNOVNA ŠKOLA
"VRAŽIČI" VRAŽIČI

Ministarstvo
obrazovanja,
nauke kulture
i sporta Tu-
zlanskog kan-
tona na osnovu
člana 6. i 13.
Zakona o
Ministarstvi-
ma i dr. organ-
ima uprave
("Sl. novine
TK", br.3/94. i
6/97.) daje sa-
glasnost JU
OŠ "Vražići" za
izdavanje
školskog lista
"Vražićak", pod
brojem 92-
03/2000. od
03.03.2000.god

Urednik:
Prof.Alvira
Muratović

Tehnički urednik
Prof.Alvira
Muratović

Saradnici:pedagog
Suada Kasumović I
Amila Huzejrović

Učenici saradnici:
Edah
Ajanović,Illahana
Šerifović

VRAŽIĆAK

DIGITALNO OKRUŽENJE

DECEMBAR, 2021. GODINE



Poštovani čitaoci,

U našem novom broju školskog lista "Vražićak" imat ćete priliku pročitati sve o aktivnostima koje su realizovali naši nastavnici i učenici. U toku prvog polugodišta školske 2021./2022. godine naša škola je na prigodan način obilježila veoma bitne datume kao što su Dan učitelja, Dan državnosti BiH, Dan dječije radosti, Dan ljudskih prava. Na ovaj način motivisemo djecu na solidarnost, timski rad, međusobno poštovanje i kvalitetno korištenje slobodnog vremena. Rad sekcija je bio na nivou, te ćete kroz naš list imati priliku pročitati literarne radove i pogledati likovne radove naših učenika. Uživajte !

Redakcija lista

1) Vi ste središte razreda, a ne ja.
2) U ovoj vas učionici cijenimo kao učenika i kao ljudsko biće.
3) Od vas će se očekivati da se uključite u razne aktivnosti tijekom dana. Bit ćete aktivni učenici...
4) Sve što radite - dobro ili „loše“ - utječe na sve ostale u ovoj prostoriji.
5) Poteškoće su dio učenja. Ako je nešto pravednostavno za svladati, tad vjerovatno niste ništa naučili.
6) Možete postići sve što naumite. Način na koji razmišljate važniji je od bilo čega što ne znate te od toga jeste li u noćnu dobri ili niste.

6 PORUKA KOJE SVAKI
UČENIK TREBA ČUTI PRVI
DAN ŠKOLE



SRETAN POLAZAK U NOVU ŠKOLSKU GODINU



ZAŠTO JE ČITANJE VAŽNO?

U savremenom svijetu čitanje se smatra posljedicom kulturnog razvoja čovjeka koja je nužna za opstanak. Ono predstavlja najvažniju ljudsku aktivnost te osigurava budućnost knjizi i pisanoj riječi. Kada jednom naučimo čitati, čitanje nam postaje poput disanja te zaboravimo na sami mukotrpan proces usvajanja vještine čitanja.

Smisao čitanja je razumijevanje poruke koju je pisac ostavio u pisanoj obliku, u obliku koji su pisac i čitatelj poruke prije prihvatili kao zajednički. Poruka sadrži simbole, zamjene za riječi složene u rečenice koje iznose smisao poruke. Aktivni čitatelji veoma osobno pristupaju čitanju teksta te svojim čitanjem preispituju i potvrđuju svoj

identitet, potvrđuju određena očekivanja, rješavaju probleme, koriste čitanje kao sredstvo za opuštanje i slično.



Soba bez knjiga je

slična čovjeku bez

duše

KAKO MOTIVISATI DJECU NA ČITANJE?

Motivacija za čitanje je gotovo presudan faktor u razvijanju interesa za čitanje i kulture čitanja kod učenika razredne nastave. Svakom je učitelju poseban izazov pronaći i primijeniti funkcionalne strategije za poticanje čitalačke motivacije kod svojih učenika. Nastavne strategije za poticanje čitanja trebaju ponajprije biti usmjerene na

unutarnju motivaciju kako bi čitanje učenicima postalo užitkom, a ne obavezom.



Učenik koji svaki dan čita **20 minuta**, tijekom školske godine čita otprilike 600 sati, a za to vrijeme pročita otprilike 1.800.000 riječi.

Učenik koji svaki dan čita **5 minuta**, tijekom školske godine čita otprilike 150 sati, a za to vrijeme pročita otprilike 285.000 riječi.

Učenik koji svaki dan čita **1 minutu**, tijekom školske godine čita otprilike 3 sata, a za to vrijeme pročita otprilike 8.000 riječi.

Učenici koji više čitaju imaju bogatiji rječnik, lakše uče, brže pamte, imaju veće ocjene u školi, znaju bolje razmišljati i uspješnije komuniciraju.



Školski portal
SR - školska knjiga

JESENJI KROS



Skakanje u vreći

Prema unaprijed utvrđenom planu kojeg je pripremio nastavnik Enes Ajanović, planirano je takmičenje iz sportske discipline (trčanje na kraće i duže staze od 5. do 9. razreda, posebno djevojčice, posebno dječaci) i sportske igre (skakanje u vreći, nošenje jaja, vuča konopca i dr.).

U srijedu, 15.09.2021. godine održan je Sportski dan na stadionu „PLOČJE“ u Vražićima. U realizaciji programa su učestvovali svi nastavnici.



Nakon višemjesečne zabrane i strogih epidemioloških mjera, ovaj dan je bio pravo osvježanje za djecu. Iako smo se i dalje pridržavali mjera držanja distance, nije nam bilo teško jer smo dan proveli u prirodi, na čistom zraku, sa društvom i u sportskom duhu. Izletišta je bilo ispunjeno toplinom dječije radosti, osmijeha i graje. Fotografije u prilogu govore više od riječi!



SPORT = IGRA = RAZVOJ

Sport zadovoljava primarnu djetetovu potrebu za kretanjem, koje je važno za njegov opći razvoj, uključujući razvoj spoznaje i rano učenje. Mnoga istraživanja dokazala su pozitivnu povezanost bavljenja sportom i socioemocionalnog razvoja.

Djeca koja se bave sportom u pravilu su bolje socijalizirana, otvorenija, samopouzdanija, otpornija na stres. Međutim, sport nije jedina aktivnost kojom se čovjek u životu bavi, pa ne treba vjerovati da će isključivo bavljenje sportom pridonijeti boljoj socijalizaciji i uspješnijem funkcioniranju. Vrhunskim sportom bavi se relativno malo ljudi, a rekreativaca je jako puno, pa je bavljenje sportom preširok pojam da bi se jednostavno zaključilo kako je recept za sretan život isključivo bavljenje sportom.



Zanimljivosti iz svijeta prirode

U vlažnim šumama Srednje i Južne Amerike obitavaju staklene žabe. Ove noćne životinje prozirna koža čini teže uočljiva grabežljivcima. Kroz kožu se lako mogu vidjeti probavni organi, čak i srce koje kuca.



KOLIKO JE MOĆAN JEZIK KAMELEONA

Između ostalog, kameleoni su poznati u svijetu po građi i funkcioniranju jezika. Naime, jezik im je vrlo dug i mišićav te premrežen sekretom koji nije ljepljiv, nego potpomaže stvaranju velike površinske napetosti koja drži plijen uz jezik. Kada se dovoljno približi plijenu, izbacuje jezik velikom brzinom do plijena, tako da plijen ne može pobjeći. Jezik se može usporediti s kratkom gumenom trakom.



Svjetski dan životinja se obilježava 4. oktobra, te smo ovom prilikom pripremili neke zanimljivosti o životinjama.

DRVO SLADOLEDNIH MAHUNA

Raste u Srednjoj i Južnoj Americi, a naziv je dobilo po mahunama velikim i do 1 metar koje sadrže slatku, sočnu bijelu pulpu teksture vate i okusa poput sladoleda od vanilije. Osim što su joj plodovi ukusni slatkiši, ovo veliko drvo stvara i mnogo lišća koje sprječava eroziju tla.




Pećinari, mala slonova braća

Pećinari se najviše vole odmarati. Tipični pećinar provesti će 95% svog vremena ležeći na suncu. Često izgledaju kao da su se jednostavno bezbrižno izvalili na prvu zaran, no obično jedan član skupine drži stražu. Iako izgledom podsjećaju na kunića ili ovećeg zamorca, njihovi najbliži živući rođaci su slonovi i morske krave.



Zmajevi iz mraka

U Kini su pronađeni zmajevi, tačnije šest novih vrsta stonoga zmajeva, među kojima neke vrste žive isključivo u spiljama. Zbog malog broja istraživanja, mnoge stonoge još uvijek čekaju da ih se otkrije i opiše. Upoznajte nove vrste ovih zanimljivih bića iz mraka!



RIJEČ DIREKTORA



Raspust je prošao i svi smo s nestrpljenjem očekivali nove upute i smjernice od Ministarstva obrazovanja i nauke kako bismo se pripremili za ovu školsku godinu. Obradovali su nas

vijesti da se od 1.9.2021. učenici vraćaju u svoje školske klupe, da se družimo i naučimo mnoštvo novih stvari.

Nakon cijele jedne godine provedene u online okruženju, to druženje nam je dodatni razlog da se radujemo početku redovne nastave. Da bi naše ovogodišnje druženje započelo na pravi način, pobrinulo se vrijedno osoblje naše škole koje je sve prostorije pripremio za

rad.

Došao je konačno i taj 1. septembar. U dvorištu škole ispred glavnog ulaza okupili su se učenici razredne i predmetne nastave. Naučeni na red i poštivanje pravila, spremno su stali na svoja označena mjesta nestrpljivo očekujući učitelje i nastavnike da ih povedu ka učionicama.

Sretan nam novi početak!

Na sporednom ulazu dočekali su nas učenici starijih razreda, pomalo tihi i pospani. Potom se oglasila himna Bosne i Hercegovine, kojom smo na svečan način obilježili početak nove školske godine. Nakon ovog svečanog trenutka,

učenici su se sa svojim predmetnim nastavnicima uputili u svoje učionice uz poštivanje epidemioloških mjera.

Oglasilo se zvono za početak prvog časa i školom je zavladao mir.

Počela je još jedna školska godina.

Neka nam bude sretnija i uspješnija nego ijedna do sada!

Nadamo se da će nam ova školska godina proteći u boljim uslovima i radnoj atmosferi, a rezultati vrijednog rada neće izostati. Sretan nam novi početak!

Svim učenicima, njihovim roditeljima uposlenicima i iskrenim prijateljima naše škole upućujem srdačne pozdrave !

**S poštovanjem, direktor škole
Midhat Golać**

EVROPSKI DAN JEZIKA



Dana 28.9.2021. godine u 09:10 sati, u saradnji sa profesorom engleskog jezika Hasanom Bešićem i prof. njemačkog jezika Ajanović Vedranom, na prigodan način smo obilježili EVROPSKI DAN JEZIKA. Kroz ogledno-ugledni čas učenici su imali priliku upoznati se i naučiti značaj učenja i poznavanja stranog jezika, ne samo u školi nego i van nje. Kroz navedene aktivnosti učenici su se potrudili uraditi zadatak – prezentaciju na temu “Evropski dan jezika i bitne činjenice o jezicima Evrope”.

Kroz čas smo slušali audio zapise na kojem se čuju pozdravi na svim evropskim jezicima, te su učenici istovremeno slušali, ponavljali i učili pozdrave. Nakon toga odgledali smo video koji su pripremili učenici. Jedan od ishoda časa je bio i učenje kroz igru (Larino putovanje kroz jezike Evrope) gdje smo naučili nekoliko glavnih riječi, znakova iz abecede ili neke od svakodnevnih riječi koje koristimo u svom jeziku.



Cilj evropskog dana jezika je vrednovanje svih jezika i kultura kao i doprinos osoba koje posjeduju prednosti višejezičnosti, povećanju individualne višejezičnosti i motivaciji ljudi u Europi o doživotnom učenju jezika. Pri tome je povećana pozornost na očuvanje bogate baštine 200 evropskih jezika.

UČENJE KROZ IGRU

Ciljevi prezentacije su ispunjeni. Korelacija dva razreda i dva nastavnika dala je širok spektar mogućnosti i ideja te je ovom zajedničkom prezentacijom pokazano da je saradnja i koordinacija svih učesnika jako važna i zanimljiva za posmatrača. Učenici i prisutni nastavnici su uživali. Zabavili smo se kroz igru. Na kraju



prezentacije, učenici su napravili zastave svih evropskih država, drugi su

pogađali koja zastava predstavlja koju državu.



Naučite i vi kako se kaže

Volim te.....

- Albanski - **Te dua**
- Arapski - **Ana behibek**
- Armenijski - **Yes kez sirumen**
- Bambaraski - **M'bi fe**
- Bjelorusijski - **Ya tabe kahayu**
- Bugarski - **Obicham te**
- Kambodžijski - **Bung Srorlagn Oun**
- Kineski - **Ngo oiy ney a**
- Korzijski - **Ti tengu caru**
- Češki - **Miluji te**
- Malay - **Saya cintakan mu / Aku cinta padamu**
- Mandarin kineski - **Wo ai ni**
- Marokanski - **Ana moajaba bik**
- Nepalski - **Ma Timilai Maya Garchhu**
- Norveški - **Jeg Elsker Deg**
- Perzijski - **Doo-set daaram**
- Poljski - **Kocham Cie**
- Portugalski - **Eu te amo**



5.oktobar— Svjetski dan učitelja



Peti oktobar je prigoda da se pokaže da je rad učitelja i nastavnika prepoznat kao jedan od najvažnijih za ukupan razvoj društva te da se kao takav i cijeni. Cilj Svjetskog dana učitelja je mobilizirati podršku za nastavnike kako bi se osiguralo da će učitelji i dalje ispunjavati potrebe budućih genera-

cija te podići obrazovanje na razinu društvene važnosti i dati im društvenu važnost koju zaslužuju. Prigoda je to i za isticanje važnosti rada svih učitelja i nastavnika i njihov uticaj na razvoj društva u cjelini, te da se naglasi važnost te profesije, ali i samog obrazovanja čiji su oni nositelji, stoga se taj dan obilježava u više od 100 zemalja svijeta. Svjetski dan učitelja je proglasio UNESCO, a počeo se obilježavati 1994. godine. "Već više od godinu unazad suočeni smo sa COVIDOM, gdje smo morali što prije krenuti sa online nastavom što je za sve bila novina. Ne samo da ste osigurali kontinuitet obrazovanja učenicima, već ste maksimalnim trudom i angažmanom

ponovno otvorili škole i osigurali da se umanje nedostaci u učenju. -Stoga Vam poštovani učitelji još jednom zahvaljujemo na svom vašem trudu, entuzijazmu i profesionalnoj odgovornosti kojima doprinosite," kazali su naši učenici u svojim porukama za učitelje.



PISMO NAŠIM UČITELJIMA

Dragi učitelju,

Znam da si umoran i meni je lahko reći „DRŽI SE, IZDRŽI JOŠ !Hvala na svemu što radiš i želim da znaš na čemu smo ti svi zahvalni.

Provodiš vrijeme pripremajući važne lekcije, čak i kad si iscrpljen do iznemoglosti. Pružaš podršku i hrabriš svoje kolege kad su obeshrabljeni. Obazriv si prema svojim učenicima jer shvataš da je to

možda jedini čin ljubaznosti u njihovom danu. Težiš motivirati ravnodušne učenike i katkad se tvoj trud čini uzaludnim ali ti i dalje ustraješ, jer je to ono što učitelji rade. Nadzireš učenike na hodnicima, brineš za nas i naše zdravlje. Tvoja prisutnost pomaže spriječiti neprimjeren ponašanje i osigurava mirnije okruženje za učenike.

Dragi učitelju, znam da si umoran i imaš pravo na to. Uprkos svim izazovima i umoru, ti si odan svom radu, a to je odlika pravog heroja.

HVALA TI !

Usvajaš nove ideje od svojih kolega jer si predan tome da sutra budeš još bolji učitelj. Stvaraš pozitivno okruženje za učenje jer znaš da je ono najbolje za učenje. Pokušavaš se povezati sa učenicima koji ti se čine nedostupnim zbog toga što shvataš da si TI možda sve što oni imaju.

I za one nestašne ti imaš strpljenja jer znaš da te oni trebaju.

Pučavaš svoje učenike vještinama koje će im osigurati bolju budućnost. Težiš im biti učitelj kakvog bi poželio i vlastitoj djeci.

rovodiš sate i sate ocjenjujući učeničke radove . Poučavaš, a zatim opet poučavaš iz početka, a ponekad radiš sa učenicima pojedinačno jer shvataš da ne mogu svi shvatiti iz prvog pokušaja, pa čak ni iz drugog.



Voditelj priredbe: Kevrić Semina

PRIZNANJE ZA ŽIVOTNO DJELO




Uticao dobrog učitelja
nikad se ne može
izbrisati

Učitelji su razlog
zbog kojeg
sasvim obična
djeca sanjaju
potpuno
neobične snove



Doc. dr. Elvis Baraković, ministar obrazovanja i nauke u Vladi TK



U povodu 5. oktobra, Svjetskog dana učitelja, u Bosanskom kulturnom centru u Tuzli je upriličena Svečana akademija, na kojoj su uručene nagrade i priznanja za životno djelo nastavnicima osnovnih i srednjih škola, predškolskih ustanova kao i uposlenicima Pedagoškog zavoda. Naša škola je imala čast da bude jedna od rijetkih čiji su uposlenici dobili ovo značajno priznanje, a priznanje je dobio naš nastavnik matematike Izudin Zahirović. Čestitamo mu od srca. Obilježavanjem ovog dana šalje se poruka da učitelji imaju veoma bitnu ulogu u odgoju i obrazovanju ali i ravoju čovjeka i savremenog društva, te kao takvi trebaju da se cijene i vrednuju.



BKC TUZLA UOČI DODJELE PRIZANJA




Radovi naših učenika povodom Dana učitelja

Moja učiteljica

Moja učiteljica je žena uvijek nasmiješnog lica. Ona nas svakog dana dočekuje na vratima i u zagrljaj prima. Za svaki problem nješnje ona ima savjete roditeljima rado ajeli, uvijek može bolje ona veli. Na svakom času otkrivamo novu temu. Ona srce ima veliko i sve nas nosi u njemu. Eto to je moja najbolja učiteljica

Selmedina Hadžić IV^e
O.Š. „Velino Selo“




JESEN

STIGLA JE JESEN LJEPA U MOM VRATU
LIŠE SUŠTI, KIŠA KAP JE PTICE
CVRČUJU, JABUKE SRBUJU MOKROJE
MOJE SELO, A U SVOJIM ZLATNIM
KOSTI MIRIS JABUKE ONA NOSI U
SUNCI JEŠE SPAVA VIDI MI SE
NUŠKI, MALA JESEN JE ROBITI MALE
DAME U NJOJ ŽIMNICE MAJE PRANE,
DOK JESENE RIŠE TALIVAU POLE
ONA JE U LITIK DOBRE VOLJE, ONA
TIHO ULAZI U VRTOVE A LASTE
MIRNO FLOJE.


O.Š. VELINO SELO
ELMANA HADŽIĆ
IV C





Međunarodni dan školskih biblioteka

Prvi Međunarodni dan školskih biblioteka obilježen je 1999. godine, a josam godina kasnije obuhvatio je cijeli oktobar i prerastao u Međunarodni mjesec školskih biblioteka. Projekt je pokrenula Međunarodna asocijacija školskih bibliotekara (International Association of School Librarianship – IASL). Asocijacija na svojoj internetskoj stranici svake godine nudi prijedloge obilježavanja i prigodne materijale.




*Biblioteke su
najljepši domovi
knjiga, a bibliotekari
su čuvari mudrosti i
znanja cijelog
svijeta!*

KAKO SMO MI OBLJEŽILI DAN ŠKOLSKIH BIBLIOTEKA

Učenici su u saradnji sa školskim bibliotekarom, prof. Alvirom obilježili ovaj dan na prigodan način. Družili smo se uz knjigu u našoj školskoj biblioteci, a ujedno smo radili i na pripremili kratke prezentacije koju smo izložili na holu naše škole. Bibliotekar je pripremio video prezentaciju za učenike od 5. do 9. razreda na temu **ŠKOLSKE BIBLIOTEKE I NJIHOV ZNAČAJ**. Učenici su mnogo toga naučili, a poruku koju šaljemo je: "Knjiga jeste naš najbolji prijatelj, ali mi trebamo da budemo najveći prijatelji knjige"



Gosti u našoj školskoj biblioteci



Povodom Međunarodnog dana školskih biblioteka učiteljica Elvira Arnautović je obradila lektiru Pinokio sa svojim učenicima. Obzirom na to da je oktobar mjesec knjige, ona je svoje učenike iznenadila posjetom školskoj biblioteci. Učenici su bili oduševljeni prijemom, kako bibliotekara

tako i direktora škole koji ih je vodio u razgledanje škole jer će i oni od iduće školske godine pohađati nastavu u centralnoj školi. Nisu krili svoje oduševljenje. U biblioteci su razgledali knjige, a potom su odabrali knjigu po svom izboru. Nakon obilaska škole i školske biblioteke zajedno smo otišli na jednu malu zakusku gdje smo nastavili druženje i razgovor o pročitanim knjigama.



Razvijanje motivacije za čitanjem od najranije dobi

Motivacija za čitanjem je, osim što se oslanja i na upoznatost sa samom aktivnošću, emocionalno obojena. Pozitivne emocije povezane su sa željom za čitanjem i većom količinom čitanja općenito, pa tako prvi susret sa knjigom puno znači. Stvaranje ranih pozitivnih iskustava u čitanju i druženju uz slikovnicu s roditeljima od velike su važnosti za buduću interes i motivaciju za čitanjem od

strane djeteta. Dijete koje je imalo prilike uživati u druženju s knjigom čitanje će povezati s pozitivnim emocijama i rado će ponoviti takva iskustva. Slikovnica tako postaje moćno sredstvo motivacije mladog čitača i igra bitnu ulogu u stvaranju ranih pozitivnih iskustava kod djeteta. Osim toga, slikovnica je odličan način komuniciranja, edukacije i razvoja djeteta.




Dan općine Čelić

U srijedu, 17. novembra u općinskoj sali upriličen je prijem učenika prvih razreda osnovnih škola sa područja naše općine, a nakon toga i prijem učenika JU MSŠ Čelić kao i osnovnih škola koji su postigli izuzetne rezultate kako na općinskom tako i na kantonalnom i državnom takmičenju. Općinski načelnik i općinsko rukovodstvo su izuzetno ponosni na uspjehe naših učenika. I naša škola je ponosna na svoje učenike i nadamo se da ćemo i ubuduće nizati ovakve uspjehe. Menadžment škole upućuje

čestitke svim nagrađenim učenicima.



Učenik generacije školske 2020./2021.



Osim uspjeha u takmičenjima, nagrađeni su i učenici generacije za školsku 2020./2021. godinu. Učenica generacije naše škole bila je Elma Sijarić ! Čestitke i puno uspjeha u daljem školovanju!



Nagrađeni učenici



ZA ĐAKE PRVAKE JE UPRILOČEN POSEBAN DOČEK , GDJE SU IM URUČENI POKLONI



Literarni radovi na temu “SLIKE ZAVIČAJA”

SLIKE ZAVIČAJA

Zovem se Aldin ali to nije toliko ni bitno koliko je bitno ime moga zavičaja. Brnjik. Moj dom, moj zavičaj, moje najmilije mjesto. Čudim se ljudima koji se srame reći da su iz sela. Greška je ako se uvrijediš kada ti neko kaže da si „seljak“ jer su me učili da su seljaci fini i pošteni ljudi koji su svojim trudom i teškim radom postigli sve. Volim proljeće jer je tada moj zavičaj najljepši. Najdraže mi je ujutro slušati cvrkut ptica na prozoru. Okolo mene su lijepe kuće i na svakom prozoru se nalaze saksije sa mirisnim cvijećem, pa kada puhne proljetni vjetrovi, zamiriše cijelo selo. Često poslije škole odem sa drugom u šetnju. Čist zrak, dječiji osmijesi odjekuju sokakom. Svi su veseli i sretni.

Život na selu nije lak. Ono što ljude čini ljudima je slika koju vidim svaki dan; težak zemljoradnički posao, oranje, kopanje, cijepanje drva, briga o stoci . Okolo Brnjika njive. Obradene i već čekaju svoj prvi rod. Žene odlaze na njive noseći hranu svojim muževima, djevojčice svojim očevima. Kao mali sam vidio u jednoj slikovnici sliku sela i baš tu sliku gdje nasred bašte sjede otac, majka i njihova djeca . Dekica na travi, oni posjedali, podijelili ručak i ručaju zajedno. Bogatstvo je imati ovakvu sliku u svom zavičaju, a ja je vidim često.

Svako jutro pijetao u dvorištu kukurikanjem budi svakoga . Kada je raspust djeca slobodno idu u komšijin voćnjak, sjednu ispod voćke i jedu .Seljaci ne brinu o tome da li je voće prskano, jer ga gaje sami ili ih gaji neko koga poznaju. I seoske noći su drugačije nego drugdje, a zvijezde izgledaju sjajnije. Umjesto saobraćajne buke, uspavljaju nas zrikavci.

Sa roditeljima često putujem ali vjerovali ili ne, jedva čekam da se vratim svojoj kući, u svoje selo, svoj zavičaj. Tu se nekako osjećam slobodan. Znam svakoga, a i mene svako zna. Zavičaj je kuća u kojoj živim i kažem svima : čuvajte svoj dom, svoje mjesto u kojem ste se rodili. I ako nekada budete morali otići, nikada nemojte zaboraviti svoj zavičaj, jer tu se uvijek možete vratiti.

Aldin Golać VIa (nagrađeni rad)

SLIKE ZAVIČAJA

Čelić je grad i opština u sjeveroistočnom dijelu Bosne i Hercegovine, na brežuljkastim i blago brdovitim padinama Majevice i dijelovima ravne Posavine. Čine ga sela: Ratkovići, Brnjik, Vražići, Velino Selo, Humci I drugi zaseoci. To je moj zavičaj, ali ono što je dio mene i bez čega ne mogu je moje mjesto Brnjik. Teško je započeti pisanje o svom zavičaju jer toliko toga mi je u mislima da jednostavno ne znam odakle početi.

Rodio sam se tu. Odrastao uz nenu, djeda, roditelje, komšije, prijatelje. Nekad mi se čini da smo svi mi jedna porodica . Trenutno sam 8. razred, i mnogi moji vršnjaci već pričaju o tome kako jedva čekaju da završe osnovnu školu i odu iz sela. Razmišljam u sebi i pitam se zašto? Šta je to toliko ružno i šta ih “tjera” odavdje? Gdje to ima ljepše od svog doma, topline koju ti pružaju tvoji najmiliji? Moj zavičaj je jedan jedini na svijetu. Zar treba ići negdje gdje te niko ne zna, gdje ćeš biti stranac za svakoga?! Satka Nukić, Ahmet Kobić...spomenici ljudima koji te svakodnevno podsjećaju da je neko život dao braneći svoj zavičaj! Ja ne idem nigdje! Zadovoljan sam sa svim što imam. Moja sreća je tu na kućnom pragu kad me mama ispraća i dočekuje svaki dan kada se vratim iz škole, kada me komšija pozove da mu pomognem očistiti lišće iz dvorišta, kad neni preko puta odem u trgovinu po hljeb. To je dovoljno da budem ispunjen srećom. Kao što rekoh zavičaj nosiš sa sobom, a ja ga nosim itekako. Osjećam ga u sebi, vezan je za mene.

Nema ljepšeg osjećaja kada ujutro krenem u školu . Svi su već budni! Pozdravim svakog sa osmijehom i svako mi uzvrat osmijehom. Osjećam se ponosnim na sebe jer sam dio mog mjesta, mog sela, mog zavičaja. Poseban je osjećaj kada se svi vraćamo iz škole i prolazimo pored šume. Izleti vjeverica sa kestenom u ustima, lisica, zec. Ne plaše se jer su navikli na naše korake I glasove. Sve su ovo slike moga zavičaja. Ono što čini moj zavičaj najljepšim su ljudi. Ljudi koji žive u Brnjiku vole da im neko “bane” u goste. To je zajednička odlika svih Brnjičana. Kada se mi djeca zaigramo na školskom poligonu, pa kad ogladnimo, ne gledamo u čiju kuću ćemo “banuti” jer gdje god pokucamo svako će nam namazati krišku. Zato ja volim svoj zavičaj, zato volim svoj Brnjik i ljude u njemu. Volio bih kad odrastem da postanem neko važan i da se na taj način brinem o svom selu, da tradicija koju imamo sada ostane i traje decenijama poslije nas.

Edah Ajanović VIIIa

SLIKE ZAVIČAJA

Ti zemljo moja koja si u isto vrijeme
pitoma i divlja,
ti si remek djelo , na Zemlji najljepša vila.
Ti si slika bez rama,
u tebi živim s ponosom i bez imalo srama.

U tebi su smješteni Vražići, moje selo malo,
da je moj najveći dragulj, oduvijek se znalo.
Smješteno je u podneblju, gdje mnogo prirode ima,
gde su najtoplija ljeta i gdje je najblaža zima.

Ne stidim se nikada reći da sam dijete sela,
uvijek se ponosim time i hodam uzdignuta čela.
Poštena radnička ruka, ipak mi je mnogo dala,
tako ću i ja svojoj djeci, ocu i majci sam obećala.

Nemojte lošim putem nikada poći, govorila bi mati,
cijenite sve ono, što smo vam u životu mogli dati.
Čuvajte sve vrijednosti , što vam ovo selo nudi,
samo ćete tako postati, pravi i pošteni ljudi.

Vražićani dragi, vi što ste daleko
Znajte da ovdje vas uvijek čeka neko
Gdje god da krenete srce će vam reći ,
svome selu u Vražiće da vas vrati.

Bosno moja jedina, domovino premila,
dio si mog života, ti si moja ljepota.
Vražići su u Bosni, a Bosna je u srcu
Svatko ko te ne voli, srce treba da ga boli.
Zavičaj moj je najljepši na svijetu ,
I nježan poput latice na cvijetu.

ILHANA ŠERIFOVIĆ IX a

DAN DRŽAVNOSTI BOSNE I HERCEGOVINE




25. novembar se obilježava kao Dan državnosti Bosne i Hercegovine. Naime, upravo tog historijskog vrlo značajnog 25. novembra 1943. godine održano je prvo zasjedanje ZAVNOBiH-a (Zemaljsko antifašističko vijeće narodnog oslobođenja Bosne i Hercegovine), u Mrkonjić Gradu. Na pomenutom zasjedanju donesena je odluka o obnovi državnosti BiH, potvrđene su njene historijske granice, koje su datirale još iz vremena srednjovjekovne Bosne, te je Bosna i Hercegovina definisana kao jedna od šest ravnopravnih republika u tadašnjoj Jugoslaviji. Ono što je najvažnija činjenica i zaključak zasjedanja ZAVNOBiH-a je upravo činjenica da je Bosna i Hercegovina, odlukom na ovom zasjedanju, definisana kao jedinstvena i nedjeljiva država u kojoj će svi narodi imati ista prava. Treba dodati da je ovu odluku na zasjedanju ZAVNOBiH-a potvrdilo i izglasalo 247 vijećnika ZAVNOBiH-a, svih bosansko-hercegovačkih naroda.

Obzirom na epidemiološku situaciju, mi smo obilježili ovaj značajan datum prikazivanjem video uredaka i fotografija učeničkih radova.



DAN DRŽAVNOSTI BIH



NAVIKE PROMIJENI, ŠKOLU OPREMI!



NAVIKE PROMIJENI - ŠKOLU OPREMI

Naziv projekta: Inovativnim umom do pametnih ICT škola

Akronim projekta: PAMETNE ŠKOLE 2

Vodeći partner: Centar za razvoj i podršku (CRP) iz Tuzle

Projektni partneri: Tuzlanski kanton, Brodsko-posavska županija
Početak implementacije projekta: 15.10.2020.

Završetak implementacije projekta: 14.01.2023.

Ukupni budžet projekta: 1.885.805,07 eur
Finansirano od strane Evropske unije: 1.577.434,30 eura,



Krajem novembra je naša škola zajedno sa još 118 škola sa područja Tuzlanskog kantona i 15 škola iz Brodsko-posavske županije učestvovala na otvaranju regionalnog takmičenja pod nazivom "Navike promijeni, školu opremi". Na početku konferencije, obratio nam se ministar obrazovanja TK, gospodin Elvis Baraković koji je čestitao svim učenicima na učešću i poželio im sreću u ovom takmičenju. Učešće u našoj školi su uzeli učenici od V do IX razreda: Omerčević Jasmina, Ribić Meliha, Kevrić Semina, Aldin Golać, Drljić Amina, Livadić Emina, Omerčević Armina, Ajanović Edah, Kevrić Adonela i Šerifović Ilhana. Mentori ovih učenika su nast. Ali Tomić i Alvira Muratović. Tehnička podrška: Amila Huzejrović i pedagog Suada Kasumović. Neka nam je sa srećom!



“Dan dječije knjige u BiH”- rođendan pjesnikinje Nasihe Kapidžić- Hadžić



Maskenbal u šumi,
pjesme.
Od zmaja do viteza,
Skrivena priča,
Poslanica tiha,
Od tvog grada do mog
grada,
Šare mog šešira
Liliput, pjesme,
Lete, lete laste,
Vrbaska uspavanka,
Kad si bila mala,
San o livadici,
Glas djetinjstva,
Događaj u Loncipunu-
mu,
Glas djetinjstva
Dječija pozornica,
Pjetlić, svraka i
proljeće.

Društvo prijatelja knjige Mali princ iz Tuzle pokrenulo je inicijativu da se rođendan najznačajnije bosanskohercegovačke pjesnikinje za djecu Nasihe Kapidžić Hadžić, 6. decembar, obilježava kao Dan dječije knjige u Bosni i Hercegovini. Ideja je da se u školama širom naše zemlje organizuju i izvedu programi pod nazivom Maskenbal u školi na kojima će se učenici iskazati svoje kreativne sposobnosti inspirisane djelima Nasihe Kapidžić Hadžić, ili jedan školski čas

posvetiti nekoj od njenih knjiga, i da se na taj način podsjeti na djelo velike pjesnikinje. Tema koju smo koncipirali u svoj kulturno- umjetnički program bila je pjesma “**Vezeni most**” naše najveće bh pjesnikinje .

“Kad jednom dođeš u grad od lišća

Da budeš najdraži gost,

Viđećeš kako obale travne

Na ruci drže most”.

Ovi stihovi pjesme „Vezeni

most“, uklesani u spomenploču, dočekat će vas pri ulasku u rodnu kuću pjesnikinje cvijeća, trave i rijeka Nasihe Kapidžić-Hadžić, koja se nalazi u jednoj od najljepših banjalučkih aleja u „gradu od lišća“ pored Vrbasa. Uz stihove najveće bosanskohercegovačke spisateljice dječije poezije, proze i drame Nasihe Kapidžić-Hadžić smo odrastali, divili se blagosti, ljepoti i šarenilu koje su dočaravali, budeći u nama najljepša dječija maštanja i snove.

ROĐENDAN U ŠKOLI




U OVOJ BOSANSKOJ KUĆI
06.11.1931. GODINE PJSNIKINJA
NASHA KAPIDŽIĆ-HADŽIĆ:
“KADA NAM DODEŠ U GRAD OD LIŠĆA
DA BUDEŠ NAJDRAŽI GOST
PREČI ČEŠ I TI KORAKOM LAKIM
VEZENI VITKI MOST”
U POVODU STOGODIŠNJICE BOŠNJAČKE
ZAJEDNICE KULTURE “PREPOROD”
U BANJA LUCI. 04. DECEMBAR 2003.
DJECA - ČITAOCI, ROĐBINA I PRIJATELJI”





RIZICI UPOTREBE INTERNETA




ŠTA PREVENTIVNO MOGU DA URADE RODITELJI?

Edukacija i upoznavanje roditelja sa IKT (informacijsko-komunikacijska tehnologija), prije svega sa opasnostima koje donose, da se prije svega roditelji što bolje upoznaju sa današnjim tehnologijama kako bi se efektivnije djeca zaštitila od nasilja i opasnosti koje dolaze putem IKT-a. Postavljanje računara na vidno mjesto u kući kako bi se imao bolji uvid u aktivnosti i vremenu koje dijete provede za računarom.

Roditelji bi se trebali upoznati sa stranicama koje dijete posjećuje, društvenim mrežama i aplikacijama koje koristi i koji su to aktualni trendovi kod djece.

Razgovarati sa djetetom, izgraditi povjerenje, vremenski ograničiti korištenje računara i mobilnih uređaja, postaviti zaštite i filtere na računar i mobilni uređaj, programe/aplikacije za nadzor, jer svi moderni/savremeni operativni sistemi imaju integrisane programe za nadzor.

ZAŠTO JE ČITANJE VAŽNO



RIJEČ DIREKTORA

JESENJI KROS



EVROPSKI DAN JEZIKA



5.OKTOBAR- SVJETSKI DAN UČITELJA



Doc. dr. Elvis Baraković, ministar obrazovanja i nauke u Vladi TK

PRIZNANJE ZA ŽIVOTNO DJELO

RAĐOVI NAŠIH UČENIKA POVODOM DANA UČITELJA

MEĐUNARODNI DAN ŠKOLSKIH BIBLIOTEKA



GOSTI U NAŠOJ
ŠKOLSKOJ BIBLIOTECI



DAN OPĆINE ČELIĆ

LITERARNI RAĐOVI NA TEMU "SLIKE ZA VIČAJA"

DAN DRŽAVNOSTI BIH



NAVİKE PROMIJENI, ŠKOLU OPREMI !

DAN Dječije KNJIGE U BIH"- Rođendan Pjesnikinje
HADŽIĆ

NAŠIHE KAPIDŽIĆ-

6.DECEMBAR 2021.

DIGITALNO OKRUŽENJE(RAD PEDAGOGA, SUADE KASUMOVIĆ)

